

玉

海

四
十
五

玉海卷第九十二

浚儀王應麟伯厚甫

郊祀

郊祀上

易先王作樂崇德薦之上帝以配祖考則祖考配
帝其來遠矣

黃帝圓丘

見後

舜肆類上帝虞圓丘

舜典正月上日肆類于上帝禋于六宗注告天及五

帝疏以事類而祭也

王制疏古尚書說非時祭天謂之類

祭法有虞

氏禘黃帝而郊嚳注禘謂祭天於圜丘也疏禘謂虞氏冬至祭昊天上帝於圜丘大禘之時以黃帝配祭郊謂夏正建寅之月祭感生之帝於南郊以嚳配尚書大傳維十有三祀帝乃稱王而入唐郊注舜承堯

殷祭南郊

商頌長發大禘也疏謂殷王高宗之時以正歲之正月祭其所感之帝於南郊歌此詩焉經稱帝立子生商謂感生之帝祭法云殷人禘嚳而郊冥注云禘謂

冬至祭天於圜丘 書君奭殷禮陟配天多歷年所
太甲先王顧諟天之明命以承上下神祇

周祀天圜丘

通典周制冬至祀天於圜丘大宗伯以禋祀祀昊

天上帝禮神玉以蒼璧牲幣隨玉色

鄭注云圜丘所祀天皇大帝

牲用一犢幣用繒長丈八尺王服大裘其冕無旒乘

玉路錫樊纓十有再就建太常十有二旂以祀樽及

薦器以瓦爵以匏以藁秸及蒲爲席配以帝鬯凡樂

圜鐘爲宮黃鐘爲角太簇爲徵姑洗爲羽鼙鼓鼙鼗

孤竹之管雲和之琴瑟雲門之舞冬至於地上之

園丘奏之若樂六變則天神皆降可得而禮矣其感
生帝大傳曰禮不王不禘王者禘其祖之所自出以
其祖配之因以祈穀壇名泰壇在國南五十里玉用
四圭有邸牲用騂犢青幣配以稷其配帝牲亦騂犢
奏黃鐘歌大呂舞雲門以祀天神日用辛注天神謂五帝以夏
正月祀其所受命之帝於南郊祭天南郊及清廟陰祀用黝牲注祭地北郊及社稷
祭前期十日王親戒百官太宰又戒羣官乃習射
於澤宮選可與祭者其日王乃齋於路寢之室祭日
之晨雞人夜呼晨以叫百官巾車鳴鈴以應典路乃
出玉路建太常大司樂既宿垂以聲展之王將出奏

王夏所過於田首設燭祭前掌次先於丘東門外道

北設大次小次掌次張氊案設皇邸王服大裘而立

於丘之東南西面大司樂奏圜鐘爲宮以下之樂以

降神

若感生帝則奏黃鐘以下

次則積柴於丘壇上王親牽牲次

則實牲體玉帛燔之謂之禋祀

韓詩外傳曰天子奉玉升柴加於牲上而

燔乃埽丘壇上而祭王乃以匏爵酌瓦甒之泛齊以

獻尸

云云

每獻奏樂一成

云云

七獻畢天子舞六代

之樂

古制天子親在舞位若感帝舞當代之樂

樂章用昊天有成命

禮掌次大旅上帝注祭天於圜丘 大宗伯以禋祀

祀昊天上帝注冬至於圜丘所祀天皇帝 祭法

禘饗注謂祭昊天於圜丘 大祝凡大禋祀執明水
火而號祝注禋祀祭天神也 孝經郊祀后稷以配
天注郊謂圜丘祀天 周書作雒篇設丘兆於南郊
以祀上帝配后稷 南齊志周禮祭天圜丘取因高
之義兆於南郊就陽位也上昭天明旁流氣物 唐
書褚無量議周禮冬至祭天圜丘不以地配唯始祖
爲主

周五帝郊兆

禮小宗伯兆五帝於四郊四望四類亦如之注兆爲
壇之營域五帝蒼曰靈威仰赤曰赤熛怒黃曰含樞

組白曰白招拒黑曰汁光紀黃帝亦於南郊疏春秋

緯運斗樞云太微宮有五帝坐星

大宗伯注祀五帝亦用實柴之禮

鄭氏謂天有六天賈逵馬融王肅等以五帝非天肅合郊丘而一之以五帝爲人帝

典祀掌

外祀之兆守皆有域掌其禁令注外祀謂所祀於四

郊也掌次祀五帝則張大次小次設重帟重案注

祀五帝於四郊疏謂四時迎氣月令四立之祭司

服王祀昊天上帝則服大裘而冕祀五帝亦如之

太宰祀五帝則掌百官之誓戒與其具修前期十日

帥執事而卜日遂戒及執事眡滌濯及納亨贊王牲

事及祀之日贊玉幣爵之事注祀五帝謂四郊及明

堂 大司寇若禋祀五帝則戒之日涖誓百官戒于
百族及納亨前王祭之日亦如之奉其明水火 小
司寇凡禋祀五帝實鑊水納亨亦如之注祭天曰燔
柴卽禋祀也五帝所祀謂四時迎氣總享明堂 士
師祀五帝則沃尸及王盥泊鑊水 充人掌牲牷祀
五帝則繫于牢芻之三月展牲則告牷碩牲則贊
大司徒祀五帝奉牛牲羞其肆 大宗伯祭五祀注
五官之神在四郊四時迎五行之氣於四郊而祭五
德之帝亦食此神焉句芒食於木蓐收食於金玄冥
食於水祝融后土食於火土疏月令四時陳五德之

帝并五人神爲十二月聽朔及四時迎氣故青主赤

璋之下注皆云迎氣時並祭五人帝五人神也鄭司

農云五祀五色之帝於王者宮中曰五祀後鄭不從

詩我將疏大宗伯禮四方謂四時迎氣月令季秋

牲如其器之色則五帝之牲當用五色嘗犧牲

上丁命樂正八學習吹大饗帝言大饗者徧祭五帝也

告備于天子饗帝之外亦饗羣神季冬乃畢祀帝之

大臣天之神祇四時之功成於冬孟月祭其宗至此祭其佐帝之大臣勾芒之屬天之神

祇司中司命風師雨師疏云家語孔子曰聞諸老

五帝爲宗大臣勾芒等爲佐聃曰天有五行水火金木土分時化育以成萬物其

神謂之五帝五行佐成上帝而稱五帝太皞之屬配

焉亦云帝

變禮有旅

掌于大宗伯

類造

掌于小宗伯

禱祠柴望

有告有用牲

又其略矣

周祈穀

詩噫嘻春夏祈穀于上帝箋月令孟春祈穀于上帝
左傳夏則龍星見而雩是祈穀之事與疏郊特牲云
郊之祭大報天而主日書傳曰祀上帝於南郊所以
報天德報其已往又祈其將來故祈報兩言也左傳
曰郊祀后稷以祈農事故啟蟄而郊郊而後耕是郊
天祈穀爲一祭也夏正郊天祭所感一帝而已雩祭

總祀五帝

禮運祭帝於郊所以定天位禮行於郊而百神受職
月令乃擇元日祈穀于上帝注元日謂上辛郊祭
天也 公羊傳郊必祭稷王者必以其祖配 郊用
正月上辛 穀梁傳郊自正月至于三月郊之時也
郊三卜禮也 魯語天子祀上帝諸侯會之受命焉
左傳啟蟄而郊注夏正建寅之月祀天南郊疏杜
注不言靈威仰與鄭異明堂位曰魯君孟春祀帝於
郊雜記孟獻子曰正月日至可以有事於上帝則魯
郊以周之孟春禮記後人所錄未必皆是正禮 郊

王
特牲

云云

疏鄭以郊丘爲二者玉

蒼璧四圭牲蒼駢

六

犧

樂
圓鍾黃鍾

皆不同以蒼璧蒼犧圓鍾爲祭園丘

以四圭駢犧黃鍾爲祭五帝及郊天所用皇氏曰天
有六天歲有八祭冬至至園丘一也夏正郊天二也五
時迎氣七也九月大饗八也雩與郊禘爲祈祭不入
數崔氏以雩爲常祭九也

又見下

郊祀志祀天常

禮歲九郊雩明堂園丘兆五帝於四郊也夏正之月
祈穀詩噫嘻郊特牲迎長日春秋書郊左傳啟蟄而
郊是也夏祈穀詩噫嘻月令春秋大雩左傳龍見而
雩是也季秋大享明堂詩我將月令大饗帝孝經宗

祀是也冬至祀圜丘詩昊天有成命大司樂地上祀
圜丘禮器因吉土饗帝于郊是也兆五帝四郊小宗
伯所掌月令迎氣是也歲凡九祭皆祀天神 宋書
王燮之議郊特牲曰郊之用辛也周之始郊日以至
鄭立注曰三王之郊一用夏正用辛者取其齋戒自
新也月令曰乃擇元日祈穀于上帝注曰元日謂上
辛郊祭天也春秋載郊有二成十七年九月辛丑郊
公羊曰曷用郊用正月上辛亥元年四月辛巳郊穀
梁曰自正月至于三月郊之時也則郊祭之禮未有
不用辛日者晉氏或丙

武帝十二月丙寅南郊受禪

或巳大始三年十一

月己卯始并園丘方澤或庚三年十一月庚寅冬至

二至之祀合於二郊祠天郊于園丘猶用園

丘之禮非專祈穀之祭故不用辛並有別議今宜用辛朱膺之議先

儒論郊其議不一周禮有冬至日圓丘之祭月令孟

春有所穀于上帝鄭氏說圓丘祀昊天上帝以帝嚳

配所謂禘也祈穀祀五精之帝以后稷配所謂郊也

二祭異時其神不同諸儒云圓丘之祭以后稷配取

其所在名之曰郊以形體言之謂之圓丘名雖有二

其實一祭晉武捨鄭而從諸儒是以郊用冬至不用

辛日江左以來皆用正月何偃議左傳啟蟄而郊則

鄭說有據

云云

泰始六年五月乙亥詔曰古禮王者

每歲郊享爰及明堂自晉以來間年一郊明堂同日
自今間二年一郊間歲一明堂 三禮義宗鄭元謂
天有六名歲有九祭王肅謂天惟有一歲有二祭靈
恩謂宜從鄭 吳志注志林曰棧樸之作有積燎之
薪文王郊艷經有明文 南齊志蔡仲熊議鄭志云
正月上辛祀后稷於南郊還於明堂以文王配宋立
明堂郊還卽祭是用鄭志之說禮以辛郊書以丁祀
漢郊祀志郊柴饗帝之義埽地而祭土質也歌大
呂舞雲門以俟天神歌太簇舞咸池以俟地祇其牲
用犢其席稿秸其器陶匏皆因天地之性不敢修其

文也

周郊祀天地

周頌昊天有成命郊祀天地也疏周人木德感蒼帝靈威仰而生祭之於南郊神州之神則祭之於北郊雖南北有異祭俱在郊故總言郊祀祀天南郊鄭云夏之正月其祭神州之月則無文蓋與郊天同此經不言地 大司樂圜丘方丘注天神則主北極地祇則主崑崙彼以二至之日祭之於丘不在於郊大宗伯注此禮天以冬至謂天皇大帝在北極者禮地以夏至謂神在崑崙者禮器因吉土以饗帝于郊疏謂饗祭五方之帝於都之四郊 雜記